

ՀԱՍՆ ԴԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Դեկտեմբերի 12-ին Երևանում տեղի ունեցավ Հայկական ՄՍՀ գիտությունների ակադեմիայի տարեկան ընդհանուր ժողովը:

Ժողովը ներածական խոսքով բացեց ակադեմիայի պրեզիդենտ, ակադեմիկոս Վ. Հ. Համբարձումյանը: Հասարակության զարգացման գործում գիտության դերի բարձրացումը, որը մեր օրերում բնորոշ է ամբողջ աշխարհի համար, — ասաց նա, — առանձնապես կարևոր է անտեսական առաջընթացի ուղիով վստահորեն Բայիլո Հայկական Սովետական Մոցիալիստական Հանրապետության համար: Այնուհետև պրեզիդենտը խոսեց գիտության պլանավորման հարցերի մասին. նշեց, որ անհրաժեշտ է մեր հանրապետությունում ուժերն ու միջոցները կենտրոնացնել գիտական այն ուղղությունների վրա, որոնք բավականաչափ բազա ունեն կամ կական դեր են խաղում ժողովրդական տնտեսության զարգացման ասպարեզում: Պետք է ասալին պլանում լինի գիտական հետազոտությունների որակի բարձրացման հարցը: Միայն կլինե՞ր կարծել, թե մեր գիտնականների ներկա մակարդակը և նրանց աշխատանքի արդյունավետությունը համապատասխանում են հարանուն պահանջներին: Կրնում են դեպքեր, երբ մենք կոլեկտիվի կամ առանձին գիտնականների առջև խնդիր ենք դնում, դրա լուծման համար միջոցներ ենք հատկացնում, իսկ հետո մոռանում ենք վերահսկել ընթացի կատարման ընթացքը, չենք պահանջում արդյունքներ: Առանձին ինստիտուտների և լաբորատորիաների աշխատանքում բույլ են տրվում անջատվածություն, դանդաղ կոտորություն, բույլ է կապը պրակտիկայի հետ:

Այնուհետև պրեզիդենտը անդրադարձավ հանրապետությունում գիտության նոր ուղղությունների զարգացման հարցերին, որոնք նպաստում են հետագա տեխնիկական առաջադիմությանը և ժողովրդա-տնտեսական աշխատանքի կատարմանը:

«Ռուսաստանի պատմական դերը հայ ժողովրդի նակատագրում» գեկուցումով հանդես եկավ Հայկական ՄՍՀ գիտությունների ակադեմիայի ակադեմիկոս Մ. Պ. Աղայանը:

— Ռուս մեծ ժողովուրդը հսկայական դեր է խաղացել հայ ժողովրդի կյանքում, — ասաց

նա: — Երբ հայ ժողովրդի պատմության մեջ XX դարի մեծագույն իրադարձությունը սովետական իշխանության հաստատումն է, ապա XIX դարի կարևորագույն իրադարձությունը եղավ Արևելյան Հայաստանի միանալը Ռուսաստանին: Դա բացառիկ դեր խաղաց մեր ժողովրդի տնտեսական և կուլտուրական կյանքում, դրա հետևանքով հայ ժողովուրդը հնարավորություն ունեցավ մասնակցելու Վ. Ի. Լենինի ղեկավարած հեղափոխական պայքարին: Այնուհետև գեկուցման մեջ խոսվեց Հայաստանում սովետական իշխանության հաստատման պատմության, նրա առանձին դրվագների և իրադարձությունների մասին, բերվեցին բազմաթիվ փաստեր, որոնք վկայում են այն մեծ, անշահախնդիր օգնությունը, որը Հայաստանին ցույց տվեցին Սովետական Ռուսաստանը և Անդրկովկասի հարևան հանրապետությունները: Ռուս և հայ ժողովուրդների դարավոր բարեկամությունը մեր ժողովրդին հնարավորություն տվեց իրականացնել սոցիալական ու ազգային ազատագրության՝ դարձնելով փայլալից երազանք, հասնել իսկական վերածնության ու բարգավաճման:

Ընդհանուր ժողովում տեղի ունեցան Հայկական ՄՍՀ գիտությունների ակադեմիայի նոր իսկական անդամների և քրակից-անդամների ընտրություններ: Ակադեմիայի իսկական անդամներ ընտրվեցին՝ Լ. Հ. Միրզաբեկյանը («Ռադիոֆիզիկա և էլեկտրոնիկա»), Վ. Հ. Ղազարյանը («Ռուսաբանություն և բույսերի ֆիզիոլոգիա»), Բ. Ն. Առաքելյանը («Հնագիտություն»), Գ. Բ. Զահուկյանը («Լեզվաբանություն»): Թրակից-անդամներ ընտրվեցին՝ Ն. Հ. Առաքելյանը («Մարեմատիկա»), Ս. Գ. Մացոյանը («Քիմիա»), Վ. Բ. Ֆանաբեկյանը («Մարդու և կենդանիների ֆիզիոլոգիա»), Հ. Գ. Բակլավաչյանը («Մարդու և կենդանիների ֆիզիոլոգիա»), Է. Գ. Աֆրիկյանը («Միկրոբիոլոգիա»), Գ. Խ. Մարգարյանը («Արևելագիտություն»), Ռ. Վ. Զարյանը («Արվեստաբանություն»), Է. Մ. Զրբաշյանը («Գրականագիտություն»): Հայկական ՄՍՀ գիտությունների ակադեմիայի օտարերկրյա անդամ ընտրվեց Փափագ Զառլոգ Հրաչը (ԱՄՆ, «Ռադիոֆիզիկա»):

Ա. ՀՈՎՀԱՆԻՍՅԱՆ